

本足

曾南豐全集

大東書局印行

曾南豐詩集

卷一 五言古詩

李氏素風堂

丞相事唐室，獨馳三絕名。家世在圖史，詩書傳後生。郎位逮流澤，出令儕輩驚。歲暮營燕坐，高居遺世情。翠竹帶書幌，青山臨酒觥。已使襟韻適，况聞吟誦聲。自可化鄉里，豈惟門戶榮。果有過庭子，穎然材思精。抱璞已三獻，驚人當一鳴。風義故常在，茲堂非偶成。

和章友直城東春日

東流抱孤城，雨洗見春色。風吹百草根，道路千里碧。莫盡溪漫漫，（去聲）波瀾散無跡。遙林缺見山，冉冉蒼蒿積。沙禽有遺蹤，文字不可識。青松對桃李，桃紅李花白。紅白勢方競，青青守崑側。君意無不諧，研談欲俱得。賦詩多所陳，炳若觀龜筮。城東不待到，衆物已歷歷。

過介甫

日暮馳馬去，停鑣叩君門。傾諸肺腑盡，不聞可否言。淡爾非外樂，恬然忘世喧。况值秋節應，清風蕩敲煩。徘徊望星漢，更復坐前軒。

過介甫歸偶成

結交謂無嫌，忠告期有補。直道詎非難，盡言竟多迂。知者尚復然，悠悠誰可語。

路中對月

山川困游人，而不斷歸夢。其餘惟日月，朝夕南北共。日光驅人身，擾擾逐羣動。鄉思須暫忘，世事那止重。豈

如月可喜，露坐惜倏。清明入襟懷，萬事絕纖縶。愛之不能餐，但以目晴送。想知吾在廬，皎皎上修棟。慈親坐高堂，切切兒女衆。憐其到吾前，不使降帷幃。豈不映時節，荏苒更季仲。而我方方急，其能計歸輕。我非土木爲，耳目異聾聵。念之曷由安，腸胃百憂中。何言月下喜，喜意亦有用。爲其同此時，水木光可弄。猶勝夢中事，記之聊一誦。

秋夜露坐偶作

白雲飛尚低，清露滋猶早。風來亦依微，濁暑焉得掃。客堂處四楹，灑水恨枯槁。喜茲宵漏初，露坐散襟抱。河明帶飛觀，月白通馳道。顧盼塵慮銷，瓶泉謝頻倒。恨無同聲人，詩義與探討。踟躕拂方床，歸臥夢亦好。

七月十四日韓持國直廬同觀山海經

高閣在清禁，長軒憑廣虛。御幄閔圖象，依然臨幸餘。翠甍布天路，黃簾分直廬。一雨清景早，稍涼秋興初。解帶就君坐，臨床闕素書。山海所錯出，飛潛類紛如。此語果虛實，遺編空卷舒。自笑正豕亥，更微注蟲魚。君材合遠用，就此固已疎。如我乃斯幸，地閒容誤居。竹影散良席，花香浮廣裾。俯仰自足適，歸時更當徐。

秋夜

秋露隨節至，宵零在幽篁。灝氣入我牖，蕭然衾簟涼。念往不能寐，枕書嗟漏長。平生肺腑友，一訣餘空床。况有鵲巢德，顧方共糟糠。偕老遂不可，輔賢真淼茫。家事成獲落，嬌兒亦徬徨。晤言豈可接，虛貌在中堂。清淚昏我眼，沉憂回我腸。誠知百無益，恩義故難忘。

雪詠

雪花好潔白，不待詠說知。區區取相似，今古同一辭。誰能比衆作，小去筆墨畦。誰能出千載，爲雪立傳碑。四座且勿歌，聽我白雪詩。天地於降雪，其功大艱難。去年暖風日，冬在春已還。山屏盡深碧，危溜聲亦潺。草萌各已動，梅華開最繁。鑪火殆可謝，衣絮誰復言。推排臘已過，一變天更寒。飄風動木石，激射難出關。深房擁高燄，領肘

曾不溫；仰視雲壓壘，垂欲藉屋山。元氣不復呵，飛鳥折羽翰；誰排河漢流？欲墮莽蒼間。道爲墨風遮，凝凍無住著；紛紛成片縷，六出非刻削；初時漏餘滴，雜雨猶可惡。迤邐縱飛灑，態狀不可名；或稀若有待，或密似相縈；或弱久宛轉，或狂自軒騰。羣來信汗漫，孤飄亦零丁；屋角初漸班，瓦溝忽皆平。坳窪一已滿，茆茨壓將傾；樹木遍封裹，岡山助崢嶸。級除斷纖穢，池臺有餘清；流塵寂已掩，物象官皆明。廚煙或中鏡，里表仍孤擎；長街隱缺螯，荒城混觚稜。沙水恥相合，扁舟在圍屏；啄草鳥鵲蹤，篆字遺縱橫。頓驚宇宙內，侈麗皆天成；引望誰倚樓？秀色亂日晴。永懷衡門士，辛苦守六經；山藜不充腹，筆研久已冰。柔苗坐中堂，誰問公與卿？世事汨無意，燭換猶飛觥。文犀壓朱箔，陽春謝繁華；所居殊處所，苦樂固異情。誰致此不齊？上天意何營？蒼蒼不可問，奕奕灑未停。明晨起相視，寒日已滿窗；井甃破圓素，砌苔還故蒼。萬物去覆冒，顏色皆復常；融爲大田水，其流日滂滂。方塘按深叟，澄澈碧玉光；豈惟癘疫消，庶驗百穀祥。願彼守經士，幸可繼糗糧；憂民旣非職，空致新詩章。

食梨

今歲天旱甚，百穀病已久；山家最大樹，屬此亦乾朽。當春花盛時，雪滿山前後；常期摘秋實，穰穰落吾手。忽驚冰玉敗，不與膏澤偶；清朝起周覽，映葉才八九。閑居問時物，此說得溪叟；貧齋勿寂絕，塵抱徒噓嘔。寧知蕭條內，把握忽先有；食新恐非稱，分少覺已厚。開苞日星動，落刃冰雪剖；煙罍擇新汲，遠負盈素缶。英華兩相發，光綵生戶牖；初嘗密經齒，久嚼泉垂口。蠲煩慰諸親，愈渴忻衆友；肯視故畦瓜，寧論濁泥藕。歲晚迫風霜，人饑乏藜糗；真味雖暫御，未許置樽酒。

八月二十九日小飲

陰陽在天地，鼓吹猶橐籥；煩蒸翕已盡，灝氣乃浮薄。羣山翠相抱，塵靄如洗濯；川源亦虛澈，派別歸衆壑。鷺音滅蛙蚓，勁意動鵬鷁；蠅蚊自不容，雖有類鉗縛。驅之舊苦衆，忽去寧匪樂；俯仰自醒然，意適忘體瘼。天運雖已

晏，生物固未剝；薑芋圃可掘，禾黍田始穫。脫苞紫栗迸，透葉紅梨渥；幽花媚清景，鮮藂耀新萼。西風動孤格，露曉愈修擢；能終犯寒沍，詎可忽纖弱？况當九月近，家釀成已昨。溫顏几杖適，弱質衣冠恪。闔門自可會，非必千里約。筆執出人指，還迤奮宮角。初言小人獻，終拜長者酢。清言喜自洽，細故憂可略。幸無職事顧，况值租賦薄。讀書有休暇，得醉且吟嘯。

高松

高松高干雲，衆木安可到？湯湯鳴寒溪，嫋嫋倚翠嶽；側聽心神醒，仰視目睛眊。風雨天地動，一葉不欹倒；豈同澗中萍，上下逐流潦？豈同牆根槐，卷卷秋可掃？鳳凰引衆禽，此木陰可燾。君求百常柱，星日此可造；般匠世有無？方鍾野人好。

九月九日

淒淒風露滋，靡靡塵霧屏；已忻廬舍清，未苦裘褐冷。眠食味猶嘉，起坐日尚永；虛天照積水，精鑑出幽礦。石磴見山稜，林疎覺臆同；黃花宿蕊破，豔豔晨粧靚。頻尋遠徑香，每愛蒼池影；爲誰佳色鮮？慰我貧齋靜。寒醅出家法，異果得他境；甘腴饌新免，醜怪薦修瘳（蒲猛反）。幽閒重時節，老大珍物景。獻酬興未薄，比諷思猶騁。况同親戚歡，詎匪田野幸？俱醉任棲鶻，燭炬尙可秉。

冬暮感懷

荒山未有雪，野水不見冰；一臘今已半，浮陽壯猶矜；奈至一歲除，未有嚴氣升。坐思空峒間，負雪山千層；雖受凜冽僵，愈此穢濁蒸。感激崐崙祗，一氣吹丘陵。炎埃滅無遺，古色萬里興；我病一洗濯，懷抱失所憎。因思大羽獵，屬車上峻嶒；六軍騎皆駿，爭先雪中登。天時傾人意，踴躍士氣增；大義雖不殺，四方憚兵稜。今此效安在？東南塞猶乘；將帥色凋槁，蚩蚩勢譁騰。慘錯天運內，止戈信誰能？

喜寒

純（一作沱）陽四時行，無復節氣勁；日火相吐吞，乾離力遠併。玄冥失所安，恆怯擅操柄；我行東南野，憤憤若酣鬻。喜逢青林長，葉蔓可輶映；正嗟天之高，玉色萬里淨。忽驚西山雲，毫末生一鏡；須臾油然合，點滴飛雨迸。颼颼漸相扶，霽霽一何盛；積陰類潛師，形勢久已偵。乘時出幽墟，奮發精爽競；五天逐炎官，顓頊修火令。威加乾坤從，冽冽氣貌正；人無焦煩憂，冰釋天下病。豈須雪包林？已壓朱鳥橫。南方天精兵，瘴濕災可屏。爭難奪刀戈，發巧搜壘穿；收功當在今，殺伐順天政。况云薜麥祥，已覺閭里慶。高歌叩吾轅，上頌天子聖。

過彭澤

淵明昔抱道，爲貧仕茲邑；幡然復謝去，肯受一官繫？子觀長者憂，慷慨在遺集；豈同孤蒙人，剪剪慕原隰。遭時乃肥遯，茲理固可執；獨有田廬歸，嗟我未能及！

漢陽泊舟

暫泊漢陽岸，不登黃鶴樓；江含岷岷氣，萬里正東流。驚風孤鴈起，蔽日寒雲浮；祇役雖違道，放懷成薄游。興隨滄洲發，事等魚樵幽；煙波一尊酒，盡室載扁舟。

初發襄陽攜家夜登岷山置酒

維舟河南岸，置酒岷山堂；入坐松雨濕，吹衣水風涼。煙嶺火明滅，秋湍聲激揚；乍釋塵垢累，况餘燈燭光。羊公昔宴客，爲樂未遠央；而我獨今夕，攜家對壺觴。頗適麋鹿性，頓驚清興長；歸去任酩酊，詎期誇阿強？

高陽池

山公昔在郡，日醉高陽池；歸時誇酩酊，更問井州兒。我亦愛池上，眼明見清漪；二年始再往，一盃未嘗持。念豈公事衆，又非筋力衰；局束避世網，低回繼塵羈。獨慙曠達意，竊祿誠已卑。

曾南豐詩集 卷一

六

漢廣亭

悠悠漢水長，剡剡楚山密。若與心目期，爭從窗戶出。太守林鄙人，迂無適時術。治民務不煩，得意偷暇日。北城最頻高，局促皆曠逸。雲根辨毫芒，鳥背臨翠嶺。亦以樂賓遊，豈惟慰衰疾。欲寄別後情，嗟無少文筆。

江湖

江湖俗畏遠，幽好自相宜。論迹異驚衆，辭聲如避時。優游可以學，蔽蔽易爲私。胡然棄同權，霜雪有驅馳。

聞喜亭

聞喜名自昔，廣亭臨漢津。飛甍出萬屋，地絕無纖塵。盤道城堞古，遠林墟曲新。靜覺耕釣勝，幽宜鷗鷺馴。顧此荒僻郡，幸容朴愚人。閣鈴晝常寂，齋釀寒更醇。一尊且勤設，勿負頭上巾。

隆中

志士固有待，顯默非苟然。孔明方微時，息駕隆中田。出身感三顧，魚水相後先。開迹在庸蜀，欲正九鼎遷。垂成中興業，復漢臨秦川。平生許與際，獨此管樂賢。人材品目異，自得豈虛傳。

萬山

萬山臨漢臯，峰嶺頗秀發。王繁舊居處，荒草久湮沒。解佩蓋已迷，沉碑終自伐。最宜北城望，正值氛藹歇。縹緲出煙雲，清明動毛髮。留連至歸時，長見西林月。

種牡丹

經多種牡丹，明年待看花。春條始秀出，蠹已病其芽。柯枯葉亦落，重尋但空槎。朱欄猶照耀，所待已泥沙。本不固其根，今朝謾咨嗟。

游瑯琊山（奉和滁州九詠之二）

飛光洗積雪，南山路崔巍。長淮水未綠，深塢花已開。遠聞山中泉，隱若冰谷摧。初誰愛蒼翠，排空結樓臺。巖梁棟梁輝，輝刻瓊瑰。先生鸞鳳姿，未免燕雀猜。飛鳴失其所，徘徊此山隈。萬事於人身，九州一浮埃。所要挾道德，不愧丘與回。先生逐二子，誰得計琅崖。所懷雖未寫，所適在懽咍。爲語幕下士，殷勤差甕醅。

幽谷晚飲（奉和涇州九詠之九）

先生卓難攀，材真帝王佐。皎皎衆所病，蜿蜿龍方臥。卷彼天下惠，赴此一郡課。幕府旣多暇，山水乃屢過。旌旗拂蒙密，車馬驚坎坷。愛此谷中泉，聲響遠已播。槎橫勢逾急，風點綠新破。旁生竹相圍，竦竦碧千箇。遙源宵難窺，盤石垣如礎。遊鱗戢可數，飛鳥嚶相和。援琴薰風後，結宇寒崑左。觥筵已得月，金紱尙圍坐。心如含道遙，語不綴招些。一時聳傳觀，千載激柔懦。甘棠詩之懷，覲首猷之墮。况此盛德下，濡袴人所荷。不假碑刻垂，棟牖敢隳挫。當今甲兵後，天地今轍軻。先生席上珍，豈忍溝中餓。莫徐黑轡石，常馳四方賀。

靖安幽谷亭

橫江捨輕楫，對面見青山。行盡車馬塵，豁見水石寰。地氣方以潔，崖聲落潺湲。誰爲千家縣，正在清華間。風煙凜人心，世慮自可刪。况無訟訴囂，得有觴詠閒。常疑此中吏，白首豈思還。人情貴公卿，燁燁就玉班。光華雖一時，憂悸或滿顏。雞鳴已爭馳，驕驕振鑲鑲。豈如此中吏，日高未間關。一不謹所守，名聲別妖妍。豈如此中吏，一官老無懷。惜情謀護消，汨汨氣象孱。豈如此中吏，明心儼強頑。况云此中居，一亭衆峰環。崖聲夢猶聞，谷秀並可攀。倚天巉巖姿，蒼蒼露爛爛。對之精神恬（一作帖）可謝世網覯。人生慕虛榮，斂收意常慳。誠思此憂愉，自應喜襟菅。

李節推亭子

盱江郭東門，江水湛虛碧。東南望羣峰，連延倚天壁。長林相蔽虧，蒼翠浮日夕。青冥窗戶寒，居者非咫尺。予

曾南豐詩集 卷一

八

初得從誰？有此煙霧宅；燕坐遠世喧；及門無塵客。築亭更求深，緩帶聊自適；時花笑婀娜；山鳥吟格磔。家釀新熟，樽歡言命良；席故已輕華簪，寧論珍拱璧。我亦有舊田，相望在阡陌；安得巾柴車，過從佇三益。

北湖

當時泛西湖，已覺煙水永；北隄復誰開？長涵一川靜。久幽繇地偏，跬步入跡屏；我初得之喜，指顧闢榛梗。種花延妙香，插柳待清影；飛梁通兩涯，結宇臨四境。包羅盡高阜，開拓極壬丙；灑然塵滓消，恍爾心目醒。與物振滯，掩如人出奇；穎日攜二三子，杖屨屢觀省。念時方有爲，衆智各馳騁；獨此得逍遙，固知拙者幸。

南軒

木端青崖軒，慘淡寒日暮；鳴鳩已安巢，飛鵲尙求樹。物情限與奪，茲理奚以據？諒知巧者勞，豈得逮所賦？又無胸中憂，頗識書上趣；聖賢雖山丘，相望心或庶。

青雲亭閒坐

一登此亭高，復脫藩廡擁；開顏廣軒闊，吹面驚飄動。城回石崖抱，山亂寒潮湧；谷草晚更芳，沙泉細猶洶。崢嶸四封壯，縹渺嘉氣捧；連天廣衢走，拂日長簷聳。區區射聲利，浩浩奔蹄踵；趨榮衆所便，冒涉吾久恐。緬懷山水宅，環觀松檜拱；屬耳天籟樂，脫身人事穴。幽閒味雖薄，放蕩愚所勇；窮凶勢猶競，殺伐聲更訥。揚揚斂臣貴，燁燁宣兵寵；諒知草茅微，無補社稷重。牧放手幽鞭，餅鋤躬瘦隴；尙或此心諧，豈云吾道壅？

上翁嶺

放車秋崖望，所得過舊聞；初疑古軸畫，山水秋毫分。時見崖下雨，多從衣上雲；濯足行上側，心憂踏天文。入荒正搖落，獨餘草木薰；但覺耳目勝，未知筋力勤。頰毛已種種，世患方紛紛；何當嘯吟此，日與樵蘇羣。

公隱寺

峴南衆峰外，官然空谷深。丹樓倚碧殿，覓出道安林。背池抱隣曲，虛窗漱清音。竹靜幽鳥語，果熟孤猿吟。故多物外趣，足慰倦客心。但恨絀塵羈，無繇數追尋。

延慶寺會景純正仲希道介夫明叟納涼同觀建勣宮中畫象翰林墨蹟（延）

慶寺者劉裕故宅中有壽丘山一

稗方壽丘山，平昔宋公宅。好風吹雨來，暑氣一蕩滌。我與三三友，歡言同几席。神清軼埃壘，趣舍盡肝鬲。嶺竹翠尚新，水花紅可摘。以此侑樽酒，隤然岸巾幘。建業舊丹青，金鑾餘翰墨。綽約桃李顏，超遙龍虎跡。緬矣霸王業，信哉文章伯。感古已躊躇，慕奇思歎息。泊無勢利心，自覺矜慮適。起坐相扳牽，遲留日將夕。

招隱寺

一徑入松下，雨峰橫馬前。攀援綠羅磴，飛步蒼崖巔。昔人此嘉遯，手弄朱絲絃。想當林間月，獨寫山中泉。此樂非外得，肯受世網牽。我亦本蕭散，至此更怡然。偏憐最幽處，流水鳴澗澗。

山檻小飲

變秋長雲豪，灑雨北風壯。餘燭尙爭威，積晦頗異狀。山回攢楓顛，屋立懸狖上。飲檻聚石爲，譚筵注溪當。歡言久諠譁，罷興一怳悵。旅入正飄飄，豈得諧放蕩。

游金山寺作

候潮動鳴榔，出浦縱方舟。舉箔見茲山，巍然峙中流。朱堂出煙霧，縹渺若瀛洲。十年入夢想，一日恣尋游。展屐上層閣，披襟當九秋。地勢已蕭灑，風颭更颼颼。遠挹蜀浪來，旁臨滄海浮。壺觴對京口，笑語落揚州。久聞神龍伏，况觀鶚鳥投。行緣石徑盡，卻倚崑房幽。頗諧雲林思，頓豁塵土憂。昏鐘滿江路，歸榜尙夷猶。（自揚子渡，以兩小舟夾引所乘舟，故云方舟）

曾南豐詩集 卷一

10

宿尊勝院

朝寒陟山砧，宵雨集僧堂。蔽衣蓋苦短，客臥夢不長。鳴風木間起，枯槁吹欲僵。向來雪雲端，葉下百仞墮。起攀蒼崖望，正受萬慮戕。歲運忽當爾，我顏安得芳。傳聞羨門僊，飛身憩蒼蒼。誰能乞其靈，相與超八方。

劉景升祠

景升得二蒯，坐論勝凶殘。正當喪亂時，能使憔悴寬。續紛多士至，肅穆萬里安。能收衆材助，圖大信不難。諸公龍鳳姿，有待久盤桓。得一固足興，致之豈無端。迺獨采樗櫟，不知取椅檀。蓋云器有極，在理良足歎。

茅亭閒坐

荆門常晝掩，不必雲山深。豈敢尙孤絕，自能收寸心。草萌被遠徑，鳥語遍喬林。散帙味新趣，鳴絃嘆餘音。脫粟幸可飽，一瓢方獨斟。顏徒緬雖卓，非此誰爲尋。盛服纏紫艾，重印鑄黃金。信使憂喘息，詎無勤苦侵。塵埃縉冠蓋，霜露玄衣衿。脅肩已自昔，俛首微獨今。豈誰智所拙，曾是力難任。爲樂聊在此，焉知玉山岑。

游鹿門不果

方舟下秋瀨，已遠漢南城。念昔在郡日，苦爲塵網嬰。低心就薄祿，實負山水情。鹿門最發秀，十里行松檉。宿幌白雲影，入窗流水聲。龐公昔抱道，遜世此躬耕。風雨塞天地，向晨獨先鳴。故畧但聞說，已覺醒朝醒。及茲道途出，謂諧猿鶴迎。顧值深潭阻，獨憐幽思并。不踏蘇嶺石，虛作襄陽行。

讀五代史

唐哀匪一日，遠自開元中。尙傳十四帝，始告曆數窮。由來根本強，暴戾豈易攻。嗟哉梁周間，卒莫相始終。興無累世德，滅若燭向風。當時積薪上，會寧廢歌鍾。

讀書（一作辛卯歲讀書）

吾性雖嗜學，年少不自強；所至未及門，安能望其堂。荏苒歲云暮，家事已獨當；經營食衆口，四方走遑遑。一身如飛雲，遇風任飄揚；山川浩無涯，險怪靡不嘗。落日號虎豹，吾未停車箱；波濤動蛟龍，吾方進舟航。所勤半天下，所濟一毫芒；最自憶往歲，病軀久羸尪。呻吟千里外，蒼黃值親喪；母弟各在遠，訃歸恐驚惶。凶禍甘獨任，危形載孤艎；崎嶇護旅觀，緬邈投故鄉。至今驚未定，生還乃非常；憂慮心膽耗，驅馳筋力傷。況已近衰境，而常犯風霜；驅之久如此，負疴固宜長。朝銷暫一飽，百回步空廊；未免廢坐臥，其能歷縑緗。新知固云少，舊學亦已忘；百家異旨趣，六經富文章。其言既卓闊，其義固荒茫；古人至白首，搜窮敗肝腸。僅名通一藝，著書欲遑遑；瑕疵自掩覆，後世更昭彰。世久無孔子，指畫隨其方；後生以中才，胸臆妄度量。彼專猶未達，吾慵復何望；端憂類童稚，習書倒偏傍。況令議文物，規摹詎能詳；輪輅孰挽直，冠蓋孰纁黃。珪璋國之器，孰殺孰鋒鋟；問十九未論，其一猶面牆。幾微言性命，萌兆審興亡；茲尤覺浩浩，吾詎免俛俛；因思幸尙壯，曷不自激昂。前謀信已拙，來效庶云臧。漸有田數畝，春秋可耕桑；休閒就醫藥，疾病可消穰。性本反澄澈，情田去榛荒；長編倚修架，大軸解深囊。收功畏奔景，窺星起幽房；虛窗達深暝，明膏續飛光。搜窮力雖憊，磨勵志須償；譬如勤種藝，無憂置園倉。又如導涓涓，寧難致湯湯。昔廢漸開闢，新輪日收藏；經營但臺臺，積累自穰穰；既多又須擇，儲精棄其糠。一正以孔孟，其揮乃韓莊；賓朋願空館，議論據方床。試爲出其有，始如宮應商；紛紜遇叩擊，律呂乃交相。須臾極萬變，開闢爭陰陽；南山對塵案，相磨露青蒼。百鳥聽徘徊，忽如來鳳凰；乃知千載後，坐可見庫唐。施爲雖未果，貯蓄豈非良；何殊廩中馬，縱齕草滿場。形骸苟充實，氣力易騰騰；此求苦未晚，此志在堅剛。

詠史二首

京室天下歸，飛甍無餘地；國士憂社稷，塗人養聲利。貴賤競一時，峨冠各鱗次；子龍獨幽遠，聘召漠無意。

二

曾南豐詩集 卷一

一一一

子雲無由歸，俛首天祿閣。君乎獨西南，抗顏觀寥廓。無猜到沉冥，有故驚寂寞。用心豈必殊，拘肆事終各。

詠史二首

仲尼一旅人，吳楚據南面。不知千載下，究竟誰貴賤？

二

賜也相國尊，子思終不慕。乃知今古士，輕重復內顧。

寫懷二首

羣生各有趣，營慮自纏結。名網智已羅，利械愚所絀。古今遞主客，真贗雨興滅。泯然大人意，杳與能者別。必修蔓榮，中自老根節。曾非故澆培，獨得較霜雪。蛟龍無安舟，虎兇有危轍。將能此人追，得匪合明哲。

二

荒城絕所之，歲暮浩多思。病眼對山湖，孤吟寄天地。用心長者間，已與兒女異。况排千年非，獨抱六經意。終非常情度，豈補當世治。幽懷但自信，盛事皆空議。氣昏繁霜多，節老寒日駛。局促去朋友，咄嗟牽夢寐。將論道精粗，豈必在文字？

促促爲物役

促促爲物役，區區迫世情。但嗟縛束急，未覺章綬榮。奈此兩鬢白，顧無一廛耕。所求亦云幾，脫粟與藜羹。

一晝千萬思

一晝千萬思，一夜千萬愁。晝思復夜愁，晝夜千萬秋。故人遠爲縣，海邊句踐州。故人道何如？不聞孔與周。我如道邊塵，安能望高丘？又若澗與溪，敢比滄海流。景山與學海，汲汲強自謀。愁思雖爾勤，故人得知否？

平生拙人事，出走臨東藩。紛此獄訟地，欣乘刀筆閒。漾舟明湖上，清鏡照衰顏。春風隨我來，掃盡冰雪頑。花開滿北渚，水綠到南山。魚鳥自翔泳，白雲時往還。吾亦樂吾樂，放懷天地間。願視彼誇者，鎬錙何足言。

百花堤

如玉水中沙，誰爲北湖路。久翳荒草根，未承青霞步。我爲發其枉，修營極幽趣。髮直而砥平，驕驕可馳騖。周以百花林，繁香炫清露。間以綠楊陰，芳風轉朝暮。飛梁憑太虛，曉樹躡煙霧。直通高城頭，海岱歸指顧。爲州乏長材，幸歲足杭稌。與衆飽而嬉，陶然無外慕。

寄子進弟

憶子去家日，南風始吹衣。今來日未幾，蠅蚊已羣飛。思子兼晝夜，何啻如渴饑。喜聞遠客至，手自排荆扉。客送書一紙，翰墨子所揮。上言山居惡，夢寐接庭闈。次言服畎畝，禾黍廩以肥。其餘業文字，頗測隱與微。題詩在紙尾，語老意不非。我喜何所似，大似客得歸。我與子事親，未飽藿與薇。常若去左右，辛勤治鞍韉。子行何時反，我眼日已晞。應須畢秋刈，相見慰依依。

舍弟南源刈稻

買田南山下，禾黍忽已秋。糟床待此注，豈止衣食謀。窮陰迫霜霰，不可遲攀收。吾黨二三子，晨行已寒裘。久苦城中囂，至山諒優游。况已除險穢，新堂置崑幽。窗軒衆峰出，階墀水淙流。良材未成種，草樹亦已稠。寒花開照耀，谷鳥樂啾啾。心與珍境接，佳興固已遒。而况饋朝夕，甘美口可搜。黃鸝肥落俎，清醑湛盈甌。時鮮膾冰鯽，餘滋折丹榴。此味何以侑，文辭頗賡酬。晝務誠攢滯，夜工督春揄。因觀稼穡勞，始覺奉養優。此樂詎非幸，人生復何求。送子固自起，往意不以留。

寄舍弟

新霽洗窮臘，東南始知寒；驚我千里意，覺汝征途難。空江挂風席，扁舟與誰安？羈旅費亦久，囊衣豈無單？念汝西北去，壯心始桓桓；竟逢有司惑，斥走懷琅玕。士固有大意，秋毫豈能干？所憂道里困，久無一鱗歡。我意生惻惻，爲之卻朝餐；人生飄零內，何處懷抱寬？已期採芝藥，握手青霞端；無令及門喜，淹留雪霜殘。

合齋作

孺人捨我亡，稚子未堪役；家居拙經營，生理見侵迫。海鹽從私求，廚麵自官得；揀豆連數晨，汲泉候將夕。調澆遵古書，煎熬需日力；庶以具藜羹，故將供膾食。豈有寄徑憂，提瓶無所適？但慙著書非，覆瓿固其職。

題張伯常漢上茅屋

遠出清漢上，隱然一隄長；槐柳若雲布，連陰入虛堂。架險注鳴溜，分畦值羣芳；豈惟富桑柘，蓋亦餘困倉。主人事幽屏，不願尚書郎；卽此徇高志，風騷恣徜徉。強起迫義重，還歸直明光；清風凜然在，素壁盈文章；故棲勿回眄，黃鵠本高翔。

韓玉汝使歸

顧命逮殊隣，輶軒遵此道；公府戒行期，禁庭頒重寶。積雪正東流，度河盛前導；士勇踐胡塵，馬驕嘶塞草。玉節所鎮臨，軒廬先汛掃；赫爾示威靈，坦然布懷抱。國倚材實優，虜得聲名早；慷慨服天驕，從容問遺老。光華及原隰，沆碭看西颿；迎勞動都門，旌旗風亦好。

送韓玉汝（春日城東送韓玉汝赴雨浙轉運，以一池塘生春草，圍柳變鳴禽）

爲韻得生字

野岸漲流水，名園分雜英；旭景冠蓋集，清談尊酒傾。重此臺省秀，駕言江海行；已喜懷抱粹，况推材實精。衆許極高遠，時方藉經營；詎止富中廩，固將澤東氓。還當本朝用，不待芳歲更；功名自茲始，勿歎華髮生。

送章婺州

方擁使君節，駕言自東還。又聞白丞相，懷紱出九關。遂縱大船去，欲追詎能攀。已喜所寄徑，幽尋足谿山。仍誇越西部，迥在雲林間。屋瓦徧高下，青蒼更回環。穿路竹裊裊，鳴沙水潺潺。會有尊酒邊，每需庭訟閒。况席鼓琴舊，政行故非艱。歲暮當趨召，馳歸復玉班。

送徐賦著作知康州

溪蠻昔負命，殺氣凌南州。城郭漲煙火，堂皇嘯蟬蟠。被髮盡冠巾，吾人反縲囚。行剽至抄忽，歸載越山丘。驅攘事雖定，收合信瘡疣。不有異澤霑，何令餘患瘳。寒風在林鳴，君馬不能留。初佩太守章，慨然任人憂。問俗灰燼餘，咄嗟令人謀。士材爲世用，因難乃知尤。煩苛一蕩滌，幽遠徧懷柔。四封鳴雞犬，五穀被原疇。里閭多娛宴，歌鼓震溟陬。明義每所希，古人不難侔。日月而常運，志士無安輒。山川自茲始，努力千里遊。

送錢生

天下學校廢，師生無所依。子來滿囊書，璨璨璧與璣。一字未得讀，叩門忽言歸。憐子甚有志，事時與子違。吾無一畝官，留子爲發揮。去矣善自立，毋使嗣音稀。

瞿秘校新授官還南豐

柳色映馳道，水聲通御溝。雖喜芳物盛，未同故人遊。叩門忽去我，躍馬振輕裘。佩印自茲始，過家爲少留。中園何時到，薇蕨亦已柔。山翠入幽屐，諸香浮迥舟。阡陌有還往，壺觴時獻酬。應笑天祿閣，寂寥誰見求。

送歐陽員外歸觀潁州舍人

病臥不出門，非關避塵土。深秋影雖清，孤懷共誰語。尋子問吾廬，輝如就賓廡。足音固可喜，况久捉松塵。子生何其祥，家庭坐軻愈。顧我齒諸生，漸摩苦頑魯。有如仰天潢，勢豈識津渚。又若牛馬然，安得望熊虎。空搖在門

心，常苦風中羽；羨子筋骨輕，歸飛得其所；從今夢無南，隨子渡江鱗。

將之江關延祖子山師柔會別飲散獨宿孤亭遂書懷別

蜀客向何處？欲觀浙江潮；擬舟吳門柵，況會故人招；置酒吳亭上，無人吹紫簫；浩觀萬物變，飄爾生涼飈；遂恐時節晚，芳蘭從此凋；功名竟安在？富貴空寥寥；鴻鵠舉千里，鸞鳳翔九霄；胡爲蓬蒿下？日夜悲鵲鵲；車馬夕已還，行人亦飄飄；浩然滄海志，寂寂守空宵。

欲求天下友

欲求天下友，試爲滄海行；風來冥冥內，擺觸怪浪生；突兀萬里怒，勢疑九州傾；鯨鵬不自保，況此一舟輕；我徒幸來卽，可留石根耕；日將書止客，共須天地清。

答葛蘿

我初未識子，已知子能文；春風吹我衣，暮召入九關；衆中得子辭，默許非他人；方將引飛黃，使出萬馬羣；差之在須臾，氣沮不復論；明代臨萬物，我亦傍車塵；相逢扶桑側，一揮意自親；屈子果由我，相示以無言；同行千步廊，攬轡金馬門；歸來客舍中，未及還往頻；東舟載子去，千里不遑巡；今者坐甌越，相望若三辰；忽有海上使，問我及牆藩；得子百篇作，讀之爲欣忻；大章已逸發，小章更清新；逮去筆墨畦，徒識斧鑿痕；想當經營初，落紙有如神；勉哉不自止，直可闡靈均；我老未厭此，持詩希代珍；朝吟忘日昃，暮吟忘日曛；發聲欲薦子，自笑不足云。

答裴煜二首

拙者羞強合，因成杜門居；豈知公相尊，一室若有餘；愛子富文行，顧爲已不如；所以子之黨，頻見我僕車；歡誠激孤緒，合若水縱魚；新詩八十言，筆端產璠璵；屑屑委地逢，清風爲吹噓；相期在規誨，庶以輔頑疎。